



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 2. Vtrum Christus habuerit Scientiam beatificam.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

70 Quæst.9. De Scientia Christi, in communi. Art. 1.2.

Operatur figuram illius malitiae, quæ erit in Antichristo.

*Obiectio.*

Dices; Diabolus est caput Antichristi, & omnium malorum: ergo Antichristus non est caput illorum; imò nec absolute caput.

*Soluitur.*

Respondeo, Negando Consequentiam: Sicut enim Christus est caput Ecclesie, & tamen Deus est caput Christi, & totius Ecclesie; vt pater ex Apostolo: ita Antichristus est caput omnium impiorum hominum, & tamen Diabolus est caput Antichristi, & omnium impiorum. Nam caput

politicum, potest habere aliud caput cui subsunt eademque multitudo potest subservire pluribus capitibus subordinatis.

Aduerte, quosdam putare Antichristum esse caput omnium dæmonum, excepto Lucifero. Sed *Non est Caput*, non videtur hoc commodè dici: Nam dæmones, *potest dæmonum Luciferum*, maioris sunt ingenij & potentiae, & regent ipsi *fevere inferi* riorum. Vnde etiam fortasse malitia Antichristi eos dæmones excederet, non tamen commodè illorum caput diceretur.

## Q V A E S T I O N O N A.

### De Scientia Christi in communi.

In Quatuor Articulos diuisa.

#### ARTICVLVS I.

##### Vtrum Christus habuerit aliquam Scientiam Creatam?

*Affirmatur.*

Espondetur, In Christo, non solum scientiam diuinam, sed etiam creatam fuisse. Est fide tenenda.

*Ex Scriptura.*

Probatur Primo, Isaiae 11, v. 2. Requiescerat super eum Spiritus Domini, spiritus sapientia & intellectus, spiritus consilii & scientia &c. Quod de creatis donis Spiritus sancti intelligitur ab omnibus Patribus.

*Ex Concilio.*

Probat Secundo, Ex Synodo VI. act. 8. Ducas in Christo naturas praedicamus, & vnamquamque proprietates naturales habere constemur; diuinam, omnia que diuina; Humanam, omnia que humana sunt absque peccato. Idem definitur in Concilio Lateranensi sub Martino I. consult. 5. can. 9. Idem docent Patres omnes, & Scholastici Doctores in 3. dist. 14.

*Ratione.*

Probat Tertiò Ratione, Primo, Quia Christus assumpsit animam rationalem & intellectum creatum; vt supra ostensum est: ergo etiam habuit scientiam creatam, quæ est propria perfectio illius intellectus. Secundo, fide certum est, in Christo esse voluntatem creatam & humanam: hoc enim definitur contra Monothelitas in V. I. Synodo act. 6. 7. & 8. & in Concilio Lateran. sub Mart. I. can. 10. 11. 12. & 13. & docent omnes Patres: ergo fuit etiam creatam cognitionis; cum eadem sit ratio utriusque. Nam regula voluntatis, est cognitionis: Si ergo velle, creatum est; etiam cognoscere, creatum est. Tertiò, Quia alioquin frustrè intellectum creatum assumpsisset; quia nullum eius habuisset usum.

Dices; Scientia diuina increata potuit communicari illi anima, vt per illam cognosceret: sicut subsistente increata fuit illi communicata, vt per illam subsisteret: ergo nihil opus erat scientia creata, sicut opus non erat subsistente creata.

*Anima subsistente hil cognoscit per scientiam rationalem.*

Respondeo Primo; Et si quidam olim ita senserint; est tamen omnino impossibile. Ratio est, Quia cognitionis est actus vitalis, de cuius ratione est vt procedat vitaliter à cognoscente, ipsumque vitaliter informet; vt sit in omnibus creaturis rationalibus: vel certe, vt sit ipse cognoscens per

identitatem, sicut in Deo. Nihil enim dicitur vivere, nisi vel vita ab ipso procedat, vel ipsummet sit vita: atqui cognoscere est vivere: ergo cognitionis debet procedere à cognoscente, vel debet esse ipsummet cognoscens. Quare cum cognitionis incrementa nec possit ab anima procedere, nec ipsi identificari; omnino impossibile est, vt anima per illam formaliter cognoscatur.

Respondeo Secundo, Etiam si possibile esset Christi animam increata Sapientiam cognoscere; nihilominus non esset neganda scientia creata, quia non se impediunt, sicut subsistente creatam & increata. Possunt enim in eodem esse plures scientias, non tamen plures subsistentias. Vtrum autem haec scientia fuerit habitualis, an tantummodo actualis, patet ex sequentibus. Suppono tamen illam fuisse perfectissimam, ac proinde omnino certam & evidentem, adeò vt nullus umquam actus cognitionis obscuræ aut incertæ in Christo fuerit. Sicut enim omnis actus voluntatis fuit ex virtute perficiente potentiam voluntatis, ita omnis actus intellectus, fuit ex virtute intellectu; hoc enim postulabat dignitas vniuersis hypotheticae.

#### ARTICVLVS II.

##### Vtrum Christus habuerit Scientiam Beatificam?

Espondetur, Christū habuisse scientiam beatificam, quæ animam beatam reddit, idque ab initio conceptionis. Probat D. Thomas ex illo Ioan. 8. v. 55. Scio eum, & sermonem eius seruo. Sed *Scientia in Christo ab initio conceptionis*, scilicet plena certa & evidens.

Probat ergo firmius: Primo, Ex Scripturis. *Ex Scripturis.* Ioan. 1. Vidimus gloriam eius, quasi Vnigeniti à Pare, plenum Gratia & Veritatis: atqui non erat plenus veritate, absque visione beatifica: Nam omnis alia cognitionis, est tantum cognitionis ex parte; vt patet 1. ad Corinth. 13. Christus autem non cognoscet ex parte, sed sicut cognitus erat; id est, simili claritate, & erga Deum vicissitudine. Item habebat cognitionis.

bat cognitionem veritatis, sicut decebat Vnigenitum à Patre: atqui decet, vt hic habeat maximè perfectam cognitionem omnis veritatis, & in primis ipsius Patris. Item, Deum nemo vidit vñquam; Vnigenitus qui est in sinu Patris, enarravit nobis. Vbi docet, per Christum potius omnem veritatēm nobis esse patefactam, quām per Moysen; Quia nō hominum vidit Deum, prēter Vnigenitum: ac proinde nō potuit nos illi diuinā mysteria apertē docere, prēter ipsum. Docuit autem nos per suam humanitatem: ergo & Deum vidit per suam humanitatem. Ioan. 3. v. 11. *Quod scimus, loquimur; & quod vidimus, testamur.* Et paulo post v. 13. *Nemo ascendit in Cœlum, nisi qui de descendit de Cœlo, Filius hominis qui est in Cœlo.* Id est, Nemo hominum aliquando mente cœlum ascendit, quæ ibi sunt lustraturus prēter me, qui secundum ciuitatem descendit de cœlo, semper tamē in Cœlo permanens. Ioan. 12. v. 26. *Vbi ego sum, illi & minister meus erit:* vbi promittit ministris suis tamquā præmium, vt sint, vbi ipse tunc erat; atqui præmium ministrorum Christi, est esse apud Deū per visionem beatificam; vt ipse indicat Ioan. 17. v. 24. *Volo, vt vbi ego sum, illi sint;* & videant claritatem meam, quam dediſt mihi ab initio: hoc est, meam diuitiam.

*Ex Patrib. Enjeb.* Probatur Secundò, Ex Patribus. Eusebius lib. 10. de demonstratione Euangelica cap. vlt. Dicit Christum in vtero Matris habuisse omnem cognitionem, atque adeo vidisse Deum: in quam sententiam exponit illud Psalmi 21. *In te proiecius sum ex vtero.* Athanas. serm. 4. contra Arianos ultra medium, dicit esse opinionem Pauli Samotateni, existimare illum hominem gratiā, vel sapientiā, vt nos, proficie. Nazianzenus Oratione in S. Basiliū i. Proficiebat, inquit, *sapientiā & gratiā, non quod incrementum acciperet, ab initio enim sapientia & gratia absolutus erat.* Idem docet Cyrillus lib. i. in Ioan. cap. 17. & lib. 10. Thesauri cap. 7. Damascenus lib. 3. De fide cap. 14. & 22. Idem docent Patres Latini. Vide D. Ambrosium lib. 5. De fide ad Gratianum cap. 8. Vide & alios citatos suprā q. 7. art. 12.

*Ex ratio- nibus. Tertia.* Probatur Tertiò Ratione: Primo, Quia Christus à principio conceptionis fuit filius Dei naturalis: ergo & hæres paternorum bonorum: ergo etiam possefō: quæ possefō est per visionem beatificam. Cur enim possefō differetur? Non enim hoc erat necessarium nostræ redemptioni, vt infra dicetur. Neque expectabatur mors paterna, vt ait Cyrillus: nec vlla atia causa adficer potest. Secundò, Angeli, paulo post suam creationem, affectuti sunt visionem Dei: ergo Christus, qui erat longè excellentior, debuit hanc statim à principio accipere. Confirmatur, quis Christus à principio fuit caput omnium hominum, & Angelorum; ergo non poterat carere visione Dei, quā iam fruebantur Angeli: alioquin subditi fuissent sapientiores suo Capite & Principe. Tertiò, Christus venit vt esset Doctor & institutor nouæ legis, & altissimorum mysteriorum: ergo oportebat, vt hæc prius clare vidiſſet, vt tamquam testis oculatus posset illa mysteria docere, & confirmare. Quod insinuat̄ Ioan. 1. v. 18. *Deum nō vidit vñquam;* Vnigenitus filius qui est in sinu Patris, ipse enarravit. Ioan. 3. v. 11. *Quod scimus loquimur, & quod vidimus testamur.* Quarto, Quia alioqui Christus vt homo, ignorasset seipsum; quia

non cognouisset perfectè suam personam, nec modum vñionis naturæ humanae cum persona diuina; & contrà: quia hic modus perfectè nequit cognosci sine clara notitia virtusque extremi. Quintò, Adam, qui erat principium generis humani quoad naturam, fuit ab initio perfectus in naturalibus: ergo Christus, qui erat principium gratiæ & gloriæ in genere humano, debuit esse perfectus ab initio in vtroque. Confirmatur; Quia is qui alias erat perducturus ad perfectionem, tamquam primum principium post Deum, omnino debebat esse perfectus: ergo &c. Sextò, Vide *Sexta.* re Deum per speculum in enigmate, est cognoscere imperfecte, & ex parte; & est sapere vt parvulus; vt docet Apost. 1. Corinth. 13. sed Christus numquam sapuit vt parvulus; nec vñquam debuit evacuare ea, quæ sunt parvuli. Nam ab initio fuit vir perfectus secundum animam, vt indicatur Ierem. 31. v. 22: *Famina circumdat virum.* In quæ locum vide D. Hieronymum ibidem.

Ex his patet; quamvis forte non sit fidei absolute, Christi Animam ab initio conceptionis habuisse visionem claram Dei; tamen est fidei proximum; ita vt contrarium sit erroneum censendum, ob Scripturas, Patres, & rationes evidentes in Scriptura fundatas.

Argumenta in contrarium, non sunt difficultia, præter pauca, quæ suis locis dissoluentur; scilicet quomodo potuerit mereri & tristari. De quibus vide plura apud Melchiorem Canum lib. 12. De locis theologicis cap. 14. vbi agit contra hæreticos nostri temporis hanc veritatem negantes.

### ARTICVLVS III.

#### Vtrum Christus habuerit Scientiam Infusam?

R Epondetur affirmatiuè. Notandum, Duplīcēm esse scientiam infusam: Alia enim est *Scientia per se infusa*, quæ vires naturæ superat, & non nisi *infusa* ab infusione haberi potest; sicut fides est cognitio *plexa*; infusa. Alia est *infusa per accidens*, quæ ceteris viribus naturæ parari possit, tamen reip̄sa à Deo conferitur; talis erat scientia rerū naturalium in Adamo, & Salomone.

Respondeo nunc; In Christo præter scientiam beatificam, fuisse aliam scientiam supernaturam, ab initio conceptionis, Animæ infusam.

Probatur Isaiae 11: *Flos de radice eius ascenderet ex Scriptura.* &c. Vbi significatur, hoc ipso, quo flos ille ascendet de radice; id est, de Virgine, quieturum super eum spiritum Sapientiæ, & intellectus. Ioan. 1. *Plenum gratia & veritatis.* Atqui non fuisse omnino plenus veritate, nisi habuisset cognitionem omnium rerum, non solum in Verbo, sed etiam in proprio genere. Nam erat capax huius cognitionis; & ipsa pertinet ad status supernaturalis perfectionem. Luc. 2. *Stupebant omnes in prudenter & resp̄sis eius*, cùm tantum esset annorum duodecim. Ioan. 7. *Quomodo seit hic litteras, cùm non didicerit*, id est, quomodo intelligit Scripturas. Ille autem locus ad Coloss. 2. *In quo sunt omnes thesauri Sapientia & Scientie reconditi*; videatur intelligendus de Christo secundum diuinitatem, iuxta Ambros. Chrysost. Theophilactum, & multos alios.

Probatur